

續增刑案匯覽

續增刑案匯覽卷十二

目錄

毆祖父母父母

毀棄祖宗神影比照棄毀神主

因借錢將祖父木主失手跌毀

殺母之犯雖經活埋仍剖其屍

母將逆倫之子立時毆死

父因瘋將子殺死

毆傷恩妻未久義女限外身死

祖父殺子孫三命

繼母因愛已子謀殺前妻之子

因子罵父主使族姪將子毆死

因子行竊央同外人將子毆死

改嫁親姑故殺前夫童養子媳

毆妻前夫之子

觸犯恩義並重之繼父自盡

父祖被毆

爲父復讐殺死擬絞減流之犯

誤信浮言爲父復讐毆傷平人

回民救護清切毆傷人

情因救父倒地疊毆仍照鬪殺

父被總兄毆死救父戮斃總兄

救夫情切毆死夫之胞兄

救姑情切毆死夫叔

父殺人被人所殺子殺行兇人

父子各斃一命子係救父情切

父子同場各斃一命未便聲請

馬制使及木管長官

護軍馬護軍參領

越訴

控案牽涉胥役該管上司親提

上控案件曾否親提據實聲明

廢員誣訴上司審虛加等治罪

被劫人員據款捏控立案不行

包衣旗人捏詞誣告咆哮公堂

兵丁被責糾眾吵鬧州同衙署

筆帖式赴員外署內踢壞公案

被誣不甘塗寫監照挾制官吏

竊越赴京呈請開採鉛砂

徒犯在配脫逃妄行控訴

誣告悔過減等擬杖復行京控

投匿名文書告人罪

匿名編造歌謠肆行詆毀

列入已名復捏他人投遞呈詞

匿名揭帖尚未張貼悔懼中止

戶書匿名誣告本官聞拿投首

匿名揭帖照例銷毀嚴密訪拿

誣告

控案實究虛坐不得顛預了結

職真誣告雖非無因未便擬杖

旗人將早經出戶家奴混告

貢生不干已事告訐立案不行

瘋迷無知誣告叛逆

誣告毆人限外身死作作匪傷

誣輕爲重杖責收贖

兵丁誣告本官並未明列已名

控案列人作證致人畏累自盡

捕役獲非本案正賊致賊跌斃

驅從訪賊獲非本案正賊跌斃

誣竊拴繫被誣之人帶跌淹斃

誣竊網縛致令自盡死係留匪

捕役誣竊賊爲正兇致令監斃

捕役拏獲賭匪妄認爲盜監斃

捕役圖賞誘令竊賊誣認正兇

事主誣竊捕役妄學逼斃人命

誣竊逼斃人命犯父知情故縱

誣竊欲令賠贖致人鳧水溺斃

誣良緝縛逼賠被誣之妻自盡

誣良爲竊致被誣之母自盡

賊犯誣拔婦女寄賊畏累自盡

誣良嚇逼致令猝病身死

誣良拴縛受凍烤火潰爛身死

更夫獲賊嚇詐拷打致命自盡

被逼妄扳總尊同竊致令自盡

疑賊有因捆縛拷打致令自盡

疑竊具控復令其母賠贖自盡

疑竊囑人轉詢以致父女自盡

誤信賊犯妄扳同夥毆打押送

疑竊私拷送官後仕扣病故

証賊偷竊已物致賊被父毆死

誣告屍遭蒸檢驗取切實供詞

誣告屍遭相驗與遭蒸檢有間

呈請檢驗兄屍懷疑尙屬有因

報嫌殘屍咬令誣告屍遭蒸檢

誣輕爲重尙未詳檢據實供明

誣告人杖罪致女屍遭蒸檢

疑姦談論致婦被夫斥罵自盡

挾讐誣姦致婦被夫管教毆死

妻非逃走誣告被姦夫拐逃

平名犯義

滿洲陪嫁家奴誣告蒙古王

夫聽從人誣妻犯姦致妻自盡

母主令伊子誣告夫弟

誣告小功兄騙占地畝

家奴聽從外人誣告家長

續增刑案匯覽卷十二目錄終

續增刑案匯覽卷十二目錄

續增刑案匯覽卷十二

毆祖父母父母

毀棄祖宗神影
比照棄毀神主

陝撫 咨連崇文等共毆總麻姪連遇城身死一案
查此引律載棄毀祖宗神主比依棄毀父母死屍律
斬等語此案連崇文係連遇城總麻服叔連遇城向
連崇文等訛索愆年祭祖錢文已屬不經乃因連崇
文不允輒將該犯高祖神影批爛毀棄祖宗神像卽
與神主無異毀棄律應擬斬實屬罪犯應死連崇文
氣忿聽從其母連賀氏毆打致斃實屬擅殺應照罪

因借錢將祖父
木主失手跌毀

人木犯應死而擅殺律擬杖一百道光六年案

北撫題歐陽世英因向歐陽沈氏挾借錢文將伊

祖父木主強欲安放歐陽沈氏家祖先堂內因醉後

失手致木主墜地跌毀尚非有心毀棄應於棄毀祖

宗神主比依棄毀父母死屍擬斬律上量減一等杖

一百流三千里

道光九年案

殺母之犯雖經
活埋仍剄其屍

母將逆倫之一
立時毆死

父因瘋將子殺
死

浙撫 題陳長發將伊母推跌斃命雖經伊兄陳元

炳活埋致死究未明正典刑將陳長發比照毆母致

傷問擬斬決後其母因傷身死將該犯剄屍之例剄

屍示眾
道光六年案

南撫 咨鄭潮湯向伊父鄭大顯出言頂撞鄭大顯

舉棍毆打鄭潮湯用刀鎗格截傷鄭大顯身死伊母

向氏氣忿將鄭潮湯毆死將向氏比照子毆父而父

殺之者勿論律勿論
道光九年案

川督 咨曾金榜因瘋病復發砍傷伊幼子曾二姪

斃命自應比照過失殺問擬將會金榜比依父過失殺子者勿論律照律勿論惟該犯瘋病未愈仍照例鎖銅監候俟數年後不復舉發再行開釋死係伊子毋庸追埋
道光十三年案

毆傷恩養未久
義女限外身死

廣東撫 咨謝亞權價買薛大來替目義女取名貞改以爲義女僅止兩月恩養未久因不肯學唱用些片毆傷至保辜正限外餘限內身死將謝亞權比依義子恩養未久有殺傷以雇工人論毆死雇工人律杖一百徒三年正限外身死應減一等杖九十徒二

祖父殺子孫三命

年半
道光八年案

貴撫 題田紅淋活埋伊子孫田大珩等三命例無

謀殺子孫三命加等治罪之文應從一科斷將田紅

淋照故殺子孫律杖六十徒一年
道光十三年案

繼母因愛已子謀殺前妻之子

提督 咨楊氏憎嫌伊夫前妻之子二格輒起意活

埋致死查二格年甫十四該氏將其謀殺實因自己

親生一子而起雖較之圖占財產者有間應照繼母

爲已子圖占財產故殺前妻之子擬絞例量減一等

擬流惟居心慘毒未便准其收贖比照姑謀殺子婦

續增刑案匯覽

卷十二 刑律闕段

三 毆祖父父母

因子罵父主使
族姪將子毆死

情節兇殘例實發駐防爲奴

道光四年湖廣司案

安徽司 咨逃兇張洪石潛回家內經其父張起沅
欲行送究輒敢不服詈罵其父實屬罪犯應死張起
沅氣忿主使族姪張益高將其毆傷身死例無父毆
死罪犯應死之子聽從下手者作何治罪明文惟例
載期親以下有服尊長殺死罪犯應死卑幼聽從下
手之犯無論尊長凡人各杖九十例內止言期親以
下尊長而不言父母舉輕以賅重也今張起沅係張
洪石之父重於尊長張益高應比照期親以下尊長

因于行竊與同
外人將子毆死

殺死卑幼罪犯應死者聽從下手之犯無論尊長凡

人例擬絞九十

道光十二年案

山西司 查律載子違犯教令而父母非理毆殺者

杖一百又例載期親以下有服尊長殺死有罪卑幼

之案其卑幼罪不致死果係積憤陡起情惡不該人

所共知忿激致死有無端謀故爲首之尊長悉按服

制於毆殺卑幼本律本例上減一等聽從下手之犯

無論尊長凡人各依餘人律杖一百各等語此案李

增財因伊子李枝榮屢次行竊與同周黑則前往李

四喜家將李枝榮尋獲緝住李增財用鐵斧背連毆
致傷李枝榮兩腮肋因其喊嚷滾轉李增財起意割
斷其兩腳筋隨令李四喜將其按住主使周黑則割
斷李枝榮兩腳筋殞命該撫以周黑則聽從詞傷致
死依威力主使人毆打致死者下手之人爲從論律
於絞罪上減一等杖一百流三千里李增財因子屢
次行竊主使割斷腳筋致死與非理毆殺者不同從
寬免議等因查李枝榮屢次行竊實屬怙惡不悛設
使被期親以下尊長謀故毆殺聽從下手之犯按例

改嫁親姑故殺
前夫童養子媳

止應依餘人擬以滿杖今屬黑則係聽從李枝樂之
父主使割斷李枝樂腳筋致斃仍同雖無作何治罪
明文惟聽從人親父主使致斃為匪之子斷不能較
聽從人期親以下尊長主使致斃為匪卑幼擬罪反
重自應酌量比例定擬別無則應改照有服尊長殺
死有罪卑幼聽從下手之犯無論尊長凡人各依餘
人律擬杖一百餘如所咨完結

道光十七年說帖

浙江司 查律載非理毆子孫之婦至死者杖一百

徒三年故殺者杖一百流二千里註云此婦子乞養

者同等語此案沈氏係章勝喜之妻生子章月富章勝喜在日憑媒聘訂王海受四齡幼女王女與章月富爲妻過門章養王女怯弱多病不時啼哭沈氏本不喜悅迨章勝喜病故其父章大仕因年老孫幼當令沈氏招夫在家撫養沈氏應允章大仕央媒招馮忝淵至家將沈氏嫁給爲妾嗣馮忝淵出外王女與章月富因爭食哭吵沈氏斥罵王女愈哭不止沈氏氣極憶及王女多病好哭料難長大撫養無益起意將其掐死卽掐住王女咽喉登時氣絕殞命該撫以

例內並無改嫁親姑故殺前夫子婦作何治罪明文
將沈氏比照期親尊長故殺卑幼之婦律擬絞監候
並聲明聽候部議等因具題 旨等查子之於母屬毛
離裏母雖改嫁子無絕母之理故嫁母毆故殺前夫
之子仍同毆故殺子孫論至子媳之於嫁姑雖與子
於嫁母微有區別然遇有干犯殺傷亦當視其恩義
之重輕酌量定擬不得概按期親尊長之律致滋出
入此案已死王女係沈氏童養之媳與改嫁後伊子
自行聘娶者不同而該氏之居喪改嫁又因伊翁廬

及年老孫幼主令該氏招夫在家撫養亦與棄子如
而改適者有別其將王女故殺身死自難置姑媳名
分於不論況毆故殺乞養子婦按律註尙得與毆故
殺子婦同科今該氏之於王女其恩義較乞養子婦
爲重則其罪名自不能較乞養子婦加嚴該撫將該
氏比照故殺期親卑幼之婦律擬絞候未允協案關
罪名出入應令該撫另行按律妥擬具題

道光十四年說帖

毆妻前夫之子

觸犯恩義並重
之繼父自盡

河撫 題樊自成雖係陶情之子第伊母改嫁樊鳴
之後在樊鳴家生養樊鳴卽留爲己子撫養成人分
產受室恩義較重因樊自成不肯還入被樊鳴斥責
取毆向毆該犯輒用瓦罐回毆致傷樊鳴額顱以致
樊鳴忿激自盡向無專條應卽照義子於恩養年久
之義父有犯卽同子孫取問例問擬查該犯毆傷繼
父及毆傷後忿激自盡俱罪應斬決惟係一疊相因
與兩犯斬決加擬梟示之例不符樊自成應照義子

過房在十五歲以下恩養年久分有財產配有家室
若於義父有犯即同子孫取問如律子孫不孝致父
母自盡之案無有觸忤干犯例擬斬立決

道光七年
案

父祖被毆

為父復讐殺死
擬絞減流之犯

川督 題陳正輜之父陳現友被劉善戩斃擬絞減
流發配該犯痛父情切意圖報復商允伊弟陳正道
趕至中途將劉善戩傷身死查劉善雖係有罪之人
第係奉官押解並未逃回卽與擅殺無異前據該督
以例無父為人所殺將兇犯擬絞減流解配中途被
死者子孫殺死作何治罪明文將陳正輔比照父為
人所殺兇犯雖經到官擬抵或於遇

叔減等發配後輒敢潛逃回籍致被死者子孫擅殺擬流

誤信浮言爲父
復毆傷平人

例酌加一等發附近充軍經本部以例案未符駁飭
去後茲據遼寧將陳正輔改照罪人不拒捕而擅殺
律擬絞監候

道光十四年案

陝撫咨吳振未兇器傷人並誤執傷痕致父屍遭
蒸檢將該犯擬軍一案本部查該犯之父吳大經因
見舒太極傳堯舒盛梅等赴地拆房遂挾嫌持刀
前往圖賴自扎臍肚身死維時該犯年甫十三經伊
叔吳大本報驗領埋迨該犯成立後聽人傳說有伊
父被人打斷右胳膊舒太拾刀將伊父扎死浮言是

以錐心刺骨之語若不驚痛然恨圖報亦殊非爲子
之情嗣該犯往向舒盛梅查詢舒盛梅以伊父被賀
傳堯打斷胎膊舒太扎死之言捏告隨攜帶鐵尺將
賀傳堯尋獲毆傷則該犯之行毆更非無因雖伊叔
吳大本曾囑令勿聽浮言惟伊父身死時該犯尙冲
幼無知而父歿不共則伯叔事後之慰藉究難釋人
子莫解之疑聞且該犯一聽舒盛梅捏說賀傳堯將
伊父右胎膊打斷卽用鐵尺祇將賀傳堯右胎膊打
傷並不毆打他處是其一片血誠被毆者雖非毆打

伊父之罪人而毆之者確認為毆打伊父之讐家律
貴誅心尤貴原心若將該犯遽照兇器傷人擬軍則
是以爲父復讐之肖子竟等於因事忿爭之兇徒準
情殊未平允如謂該犯懇檢父屍則擬流加徒亦屬
罪所應得而該犯本不知父身死實情誤信浮言究
與服同相驗誤執傷痕者不同即使量減問以總徒
亦覺法浮於情該撫除擬流加徒輕罪不議依兇器
傷人擬軍更覺情輕法重自應稍從末減以示矜憫
吳振榮應於兇器傷人擬軍例量減一等杖一百徒

同民救護情切
毆傷人

三年 道光四年案

陝督 題馬達勿提係馬有林之子於馬阿力個糾
約馬有林往毆馬白士時該犯並未同往迨見伊父
馬有林伊胞伯馬阿力個均已受傷倒地該犯檢拾
伊父棄地矛予戳傷馬麻良右腮腋平復核其情節
實屬臨時救護並非結夥逞兇且該犯戳傷之人卽
係毆死伊伯正兇較之聽糾同往畏懼先避之馬乃
必情有可原該督既將馬乃必量減擬徒而於馬達
勿提一犯則仍照本例擬軍殊未平允馬達勿提應

情因救父倒地
登毆仍照鬪殺

於同民結夥持械毆人擬軍例量減一等改為杖一

百徒三年

道光六年案

陝撫題張未羊既已奪鋤於張英杰向伊父張四
金毆打之先已有欲毆情形其所毆張英杰致命重
傷因在伊父喊救之時而張英杰業已仰卧地上張
未羊復向登毆情近逞兇與救親情切之例不符應
遵照部駁將張未羊依鬪殺律擬絞監候

道光七年案原駁說帖載卷四十五

父被毆兄兄弟
救父鬪斃犯

廣東撫

咨黃信益因在祖遺公共地內起造房屋

被總麻服叔黃益大查知斥阻爭鬧黃信益用棍將
黃益大棍傷身死黃益大之子黃人聘目擊其父受
傷情切救護用刀嚇截適傷黃信益斃命查黃信益
用棍棍傷總麻服叔身死律應擬斬業已罪犯應死
現被格殺應毋庸議黃人聘救父情切將黃信益用
刀格截適斃其情甚屬可原惟黃信益係黃人聘總
麻服兄服制攸關如照拒殺應死罪人定擬置服制
於不問固覺情重法輕如照情切救護毆死總麻尊
長例擬軍置毆斃應死罪人於不問又覺情輕法重

救夫情切毆死
夫之胞兄

例無專條將黃人聘比照父母被總麻尊長毆打實
係事在危急卑幼情切救護因而毆死尊長者減爲
杖一百發邊遠充軍例量減一等杖一百徒三年

道光四年案。應興卷四十二川省譚元川案並
續增毆大功以下尊長係川省張華振案比核

貴撫題周吳氏因救夫情切毆傷夫胞兄周在順
身死查周在順係周吳氏之夫周在陳胞兄該氏服
屬小功周吳氏因夫周在陳被周在順搭住咽喉毆
打拉勸不開恐被搭斃情切救護嚇毆通傷致斃實
屬事在危急例無專條仍依妻毆夫之期親尊長至

死律擬斬監候該氏情切救大毆死夫兄若譽其救
護急切之情仍科以毆死夫兄之罪較之勢常毆死
夫兄者漫無區別核與父祖被外姙小功斬長毆打
卑幼情切救護因而毆死尊長減等擬軍兩請之例
相符既據疏內聲明相應比例兩請候

旨是奪備案

恩准將該犯婦周吳氏減爲杖一百發邊遠充軍係婦女
照律收贖等因奉

旨吳氏若從寬免死照例減等收贖餘依議欽此

道光十四年奏交傳核單

三

救結情切毆死
夫叔

湖廣司 查律載妻毆夫之期親尊長死者斬監候
又例載祖父母父母被本宗緦麻尊長毆打實係事
在危急情切救護因而毆死尊長者於疏內聲明減
爲杖一百發邊遠充軍照例兩請候

旨定奪各等語此案夏戴氏毆傷夫胞叔夏占榜身死自
應按律問擬夏戴氏合依妻毆夫之期親尊長死者
斬監候律擬斬監候查該氏因夏占榜將伊姑夏汪
氏摔跌騎壓地下手搭咽喉實屬事在危急該氏拉

勸不開見伊姑被搭面紅氣喘情急救護拾柴向毆
適傷夏占榜身死委因救姑情切並非無故逞兇干
犯例內雖無救姑情急毆死夫叔作何治罪明文惟
查卑幼毆死本宗總麻尊長律應斬候若係情切救
護例得詳請減軍卑幼之婦毆死夫之期親尊長按
律亦應斬候與卑幼毆死總麻尊長罪名相同今該
氏因救姑事在危急因而毆傷夫叔身死自可酌量
比照父母被本宗總麻尊長毆打實係事在危急卑
幼情切救護因而毆死尊長之例辦理既據該撫於

疏內聲明相應比例兩請候

旨定奪倘蒙

恩准臣部行文該撫將該氏減爲杖一百發邊遠充軍該

氏事犯到官在道光十四年十月十九日

恩詔以前死係伊夫期親尊長所得軍罪不准援免仍令

照例收贖並追埋葬銀兩給付屍親具領

道光十四年說帖

父殺人被人所殺于殺行兇人

唐四司。查律載同姓服盡親屬相毆至死以凡論又例載父母被人毆打實係事在危急其子救護情切因而毆死人者於疏內聲明分別減等援例兩請候

有定奪又兩家互毆致死一命其律應擬抵之正兇當時被死者無服親屬毆死將毆死兇手之人杖一百流三千里又律載父爲人所殺而子擅殺行兇人者杖六十其卽時殺死者勿論各等語此案莫二十四係莫某地之子莫亞向三莫棕棋均係莫二十四無服

族姪係莫事豐無服族姪孫莫棕棋因展向莫事豐
索討欠項無償嗣帶同族弟莫亞向三前往牽牛作
抵致相爭鬧莫亞向三用刀割傷莫事豐額門莫事
豐奪刀截傷莫亞向三胸膛倒地莫棕棋上前幫
被莫事豐用刀截傷左肋莫棕棋順用身帶小刀截
傷莫事豐小腹倒地並割傷左肋莫二十四見父受
傷情急趕救卽拾伊父所遺尖刀向截適傷莫棕棋
右肋倒地詎莫事豐莫亞向三莫棕棋均先後殞命
該撫以該犯莫二十四之父莫事豐毆死莫亞向三

係殺人兇手律應擬絞莫標棋係莫亞向三無服親屬將莫事毆死罪應擬流今該犯又將莫標棋毆斃固未便照殺死行兇之人予以勿論但該犯究因父爲人所殺目睹忿激卽時手刃其讐係屬子殺父兇查律內只云擅殺行兇人並未著有應抵不應抵之文分別定擬若竟照擅殺行兇人議擬其父究係殺人兇犯若以之擬抵又置殺父讐人於不問律例內並無治罪明文案關生死出入咨請部示等因查子擅殺行兇人擬杖六十之律雖不言死者應抵不

應抵然必其父被人致死之後因復讐而擅殺方可
依律擬杖若父被人毆傷倒地尚未身死其子因救
親而刃斃人命則自有救親事在危急之例可援不
得概援擅殺之律今莫二十四刃傷莫棕棋之時伊
父莫事豐尚未殞命核與擅殺行兇人之律不符卽
謂莫棕棋究係致斃莫事豐正兇莫二十四目擊莫
事豐受傷倒地因而將莫棕棋刃傷致斃其情可憫
亦祇可酌照救親事在危急之例擬絞罪請減流該
撫原咨所稱擬杖六十之處應毋庸議再查無服親

屬毆死兇手擬流之例係指兩家互毆而言至兩造均係無服親屬則自當論其房族遠近分別科斷此案莫棕棋係莫亞向三無服族兄莫事豐亦係莫亞向三無服族叔祖其房族遠近未據該撫聲叙明晰應令該撫詳細查明如莫棕棋與莫亞向三房族較近則莫棕棋係莫亞向三爲一家其將莫事豐致斃例不應抵自應將莫二十四擬絞聲請減流若莫棕棋之於莫亞向三與莫事豐之於莫亞向三遠近相等則並非兩家互毆莫棕棋不得援例減流卽應將

勿斃莫棕棋之莫二十四照有服親屬毆死應抵正
兇之例問擬相應咨覆該撫查照辦理

道光十四年說帖

旋

經覆審具題查此案兩造均係無服親屬核其宗圖
莫棕棋之於莫亞向三雖相隔七代均共長房莫庭
樟分支莫亞向三之於莫事豐已相隔八代又非同
支其房族係莫棕棋與莫亞向三較近應作一家論
莫棕棋因向莫事豐索欠無償帶同族弟莫亞向三
前往牽牛作抵互相爭毆致莫亞向三被莫事豐戳
斃莫亞向三係莫事豐無服族姪孫莫事豐應以凡

論擬絞莫棕棋係莫亞向三無服族兄其將兇手莫
事豐毆傷身死罪應擬流今莫二十四又將莫棕棋
毆死莫棕棋係莫二十四無服族姪應將與二十四
依同姓服盡親屬相毆至死以凡論鬪殺律擬絞監
候該犯因父被莫棕棋搥傷倒地事在危急卽拾刀
戳傷莫棕棋越日殞命實係救父情切相應援例兩
請尙蒙

聖恩准其減等將該犯減爲杖一百流三千里仍追埋葬
銀兩給屬具領

道光十六年題准案

父子各斃一命
子係救父情切

廣東司 查王豹之父王九成雖係應抵正兇惟王
九成毆斃侯元魁之時王豹並不在場其見王九成
被萬榮德戳傷倒地後復騎壓身上舉刀向砍實屬
事在危急該犯情切救護嚇截迥斃核與兩請之例
相符既據該撫於疏內聲明相應援例兩請候

旨定奪倘蒙

聖恩准其減等即將王豹減爲杖一百流三千里仍追埋
葬銀兩給屬具領

道光十三年說帖

父子同場各斃
一命未便聲請

貴州司 查律載尊長毆總麻卑幼至死者絞監候
等語此案楊勝王毆傷總麻姪楊秀得身死應如該
撫所題楊勝王合依尊長毆總麻卑幼至死律擬絞
監候至楊勝王之子楊秀藻因總麻兄楊秀章將伊
父楊勝王騎坐在地毆截致傷該犯奪刀嚇截致傷
楊秀章身死該撫將該犯依卑幼毆死總麻兄律擬
斬監候聲明係屬情切救護核與兩請之例相符照
例於疏內聲明聽候核議等因 臣等查律載卑幼毆
總麻兄死者斬監候又例載父母被本宗總麻尊長

毆打實係事在危急卑幼情切救護因而毆死尊長者於疏內聲明減爲杖一百發邊遠充軍照例兩請候

肯定奪又人命案內如有父母被人毆打實係事在危急其子救護情切因而毆死人者於疏內聲明分別減等援例兩請候

肯定奪其父母先與人鬪鬪其子踵至助勢共毆斃命仍照各本律科斷不得援危急救護之例擬擬減等各等語是救親事在危急例准聲請減等而父子共毆

斃命則不在減等之列至其父先毆斃彼造一命其子後因救親致斃彼造一命例內雖無不准減等明文然亦必其致斃人命之時其子先不在場實因瞥見其父被毆危急趕往救護因而致斃人命方可酌量聲請若目擊其父逞兇於前已復逞兇於後卽與父子共毆無異自未便因係救親事在危急遽予聲請減等致滋輕縱今楊秀濤因楊秀章將伊父楊勝玉推倒騎坐毆戳致傷奪刀嚇戳致傷楊秀章身死回屬救親事在危急惟伊父楊勝玉先曾將楊秀章

之兄楊秀得毆斃該犯楊秀傑是否到場助勢未據
該撫聲叙明晰其應否援例減等之處礙難懸定應
令該撫另行研訊明確按律妥擬具題去後旋據該
省藩明楊秀傑於伊父楊勝玉毆斃楊秀得時該犯
曾經在場是該犯自擊其父逞兇於先復又自行逞
兇於後與父子共毆無異前將該犯照救親情切援
例兩請係屬誤會例意自應遵駁更正將楊秀傑依
卑幼毆死總麻兄律擬斬監候

道光十四年說帖十
五年題結

罵制使及本管長官

護軍統領等奏
領

正紅旗營總 呈送護軍扎拉罕太倚醉向護軍參
領阿拉京阿等罵並持棍至阿拉京阿門首尋鬧殊
屬目無官長將扎拉罕太革去護軍依軍士罵本部
五品以上長官律杖一百酌加枷號一個月阿拉京
阿之子和瑞奪棍回毆扎拉罕太左臂係擅傷罪人
照例勿論 道光十年貴州司案

越訴

投來牽涉胥役
該管上司親提

山東道御史 奏各省控案牽涉胥役請飭該管上司親提審辦一摺奉

上諭御史章燁奏外省控案牽涉胥役請飭該管上司親提審辦一摺奸胥蠹役爲害地方遇有訟案到官留難勒索無弊不爲地方官倚爲心腹藉通線索間有具控上司衙門仍發交該州縣自行審問該州縣迴護胥役自顧考成勢必曲爲開脫胥役之弊不除則訟端不息如該御史所奏外省京控之案牽涉胥役舞弊者不可

勝計地方官如果留心訪查何難立破奸私倘徇庇不肖書役有意姑容自必任意妄爲益無忌憚著通諭各直省督撫嗣後外省控案有牽涉州縣胥役得贓之事由該府知府親提審辦其牽涉知府胥役者責成司道牽涉司道胥役者責成督撫均各親提審辦倘牽涉督撫胥役者著各該督撫酌量事之大小輕重分別奏交辦理倘具控後並不親提輒仍發交各該屬自爲彌縫者經督撫查出即將該管上司叅辦其各督撫務須認真查核遇有不肖胥役作奸犯科一經告發不准稍事

上控案件會石
親提據實聲明

姑容總期剔弊釐奸痛加懲創倘因牽涉屬員徇隱迴護別經發覺或被利道糾牽定將該管上司重懲不貸將此通諭知之欽此
道光十五年山東司通行

道光十六年七月三十日奉

上諭前據御史翔鳳奏各省案件未經親提請旨嚴定處分當令軍機大臣會同該部議奏茲據查明歷控案件上司不行親提作何處分例內已有明文本年三月間復經吏部奏明酌增條例更爲周備嗣後各省直省該督撫於民間上控之案惟當振刷精神監心庶獄一切事

關重大案涉疑難應行親提者立予親提秉公審斷不得率委屬員致小民冤抑莫伸紛紛來京控訴倘敢仍前玩泄一經查出定將該督撫等照例議處藩臬道府等官於接收呈詞後有無轉委發審等候審該督撫等嚴行查察統於結案時將會否親提之處據實聲明聽候部議所有該御史請嚴定處分之處著毋庸議欽此

通行

廢員誣訐上司
並虛加等治罪

福建道御史 奏各省已革廢員挾制上司捏繳止

控一摺奉

上諭御史承光奏請飭禁廢員攻訐上司一摺據稱近來
各省已革廢員挾制上司捏繳上控之案層見叠出查
其心跡實非爲公或勒借盤費或訛索捐復銀兩稍不
遂意卽行攻訐各上司受其挾制暗中消弭以致此風
日熾請嗣後有列款控告原恭上司者無論虛實概行
飭禁等語國家設官分職大小相維爲大吏者果能潔
已奉公嚴明御下則屬員平日羣知儆畏遇案糾恭自

可折服其心無敢置辯方今朝野清明上下一體卽間
有一二不肖劣員因案叅革後膽敢誣扳捏造挾嫌洩
忿或交各督撫親提審訊或特派大員前往查辦其鬼
蜮伎倆無難立時破露重治其罪卽被訐之各上司始
雖受其汚讎迨經審斷立即昭雪何必畏首畏尾多方
消弭轉予該革員以挾制之端釀成刁健耶嗣後各省
大吏平日於屬員之賢否留心考察遇案叅劾一秉大
公自不致被叅劣員有妄行控訐之事倘舉劾任意不
足服衆又安能禁被枉之員不行控告至屬員被枉本

被劾人員撫款
捏控立案不行

有准揭部科之條若不得劣員被劾之案本無不公或
因需索不遂羅列多款圖洩私忿一經審出虛誣情弊
定當照例加等治罪決不寬貸以儆刁頑而肅官方將
此通諭知之欽此 道光十四年福建司通行

廣西司 奉

上諭御史成觀宣奏佐雜擅受被劾反噬圖報請分別另
案辦理一摺著該部議奏欽此 臣部查例載曾經考察

考覈被劾人員若懷挾私忿撫拾察覈官員別項贓
私不干已事奏告以圖報復者不分現任去任文武

官俱革職爲民已革者問罪奏告清詞不問虛實立案不行等語是被劾人員懷挾私忿撫拾考察官員別項贓私奏告以圖報復定例原屬不問虛實立案不行惟近來各省遇有屬員被劾撫拾上司贓私互相稟揭之案該督撫因其所控非關倉庫錢糧卽係營私執法若一概不問虛實立案不行不足以折服屬員之心故往往一經互揭卽將該員等分別奏請革職解任審明辦理茲據該御史奏稱山東文登縣典史孫立中擅受濫押經該縣歐文查明稟揭該典

吏即以該縣科派倉穀等情摺報一案當奉

上諭從嚴審辦現在尙未奏覆竊念近年佐雜擅受釀命之案紛紛不一其僅止擅受未至釀命者斷不可謂無其事然州縣從不以此上聞督撫從不以此入告何也蓋州縣職司較繁非循良出色之員難保其盡無訾議而此等佐雜劣員一經被劾自知咎戾莫追益復肆無忌憚或牽扯拖累巧爲開脫之計或捕風捉影暗施傾軋之謀其處心積慮但得兩敗俱傷已足少紓怨毒而被累之員縱使層層昭雪業已焦頭

爛額由是而挾制之局成由是而擅受之害莫敢發
覺不至釀命不止矣議請將被劾之員揭告原奏上
司一併立案不行或事體較重不容寢置亦必另案
察辦勿令同時被譴等因係爲申明舊章滌除積習
起見應如所奏嗣後凡計典甄別及一切緣事被劾
人員除所告之事卽係被劾之事應准其呈明辦理
外其有被劾之後懷挾私忿撫拾察覈官員別項款
蹟控告以圖報復者仍照定例不問虛實立案不行
卽所控之事關係重大不容寢置該督撫亦止可於

立案不行後嚴密察訪另行究辦毋得同時悉處致
啟挾制瞻徇之漸如蒙

俞允

臣

部通行各省遵照至現在山東文登縣典史孫立

中與該縣歐文互揭一案業經該撫分別叅奏奉

旨交該撫確切審訊應令該撫仍遵照前奉

諭旨審明分別辦理奉

上諭刑部議奏御史成觀宣奏佐雜被劾反噬圖報請分
別另案辦理一摺佐雜微員因案被劾捏情控告冀圖
挾制最爲官常之害道光十年三月間曾經降旨官民

人等告訐之案如係懷挾私讐以圖報復者不問虛實立案不行原所以防奸偽而肅官方近來此風猶未盡泯著通諭各直省督撫府尹等嗣後凡計典甄別及一切緣事被劾人員除所告之事即係被劾之事准其呈明辦理外其有被劾之後懷挾私忿撫拾察該官員別項欺誣控告以圖報復者仍照定例不問虛實立案不行即所控之事關係重大不容寢置該督撫亦止可於立案不行後嚴密查訪另行究辦毋得同時叅處致啟挾制瞻徇之漸餘依議欽此

道光十六年通行

包衣旗人捏詞
誣告咆哮公堂

兵丁被責糾眾
吵鬧州同衙署

續增刑案匯覽

西城察院 移送德祿誣告徐殿勳等毀伊外祖家
墳三塚應於平治他人墳墓爲田園一塚杖一百每
三塚加一等杖六十徒一年上加誣罪三等杖九十
徒二年半該犯於誣告後復敢向該指揮攔與吵鬧
咆哮公堂應再加一等擬杖一百徒三年該犯誣告
詭詐行同無賴應不准折枷係下五旗包衣未便銷
檔俟徒滿仍交伊主管束

道光廿年江西司案

廣督 奏隊目徐應鵬因兵丁張大林等業屠不肯
承辦祭肉經州同將張大林等枷責該家屬張大榮

等向告輒以營兵受辱有失營中體面與隊目歐席
碧吹螺糾人率同該家屬等至州同衙門理論滋鬧
將枷號之人帶走將徐應鵬與糾衆滋鬧之歐席碧
均照刁徒直入衙門挾制官吏例發近邊充軍該犯
等雖非單役犯科惟以現充兵丁犯法情尤可惡應
加一等發邊遠充軍仍先在犯事地方枷號兩個月
吳克賢因子被枷責輒隨同前往滋鬧應照爲從杖
一百徒三年枷號一個月

道光十四年廣西司案

筆帖式赴員外
署內勘壞公案

庫倫辦事大臣 奏送筆帖式祥麟解京治罪一案

查已革筆帖式祥麟赴街市聽唱秧歌已屬有玷官箴復因與領催諾敏爭毆疑係員外郎海清阿唆使同弟祥懋赴海清阿衙署踢落門窗推歪公案撞落籤筒筆架等屬妄為未便照毀官屋擬以杖管應照拆毀申明亭律杖一百流三千里折枷號六十日祥懋照為從杖一百徒三年折枷號四十日領催諾敏逞兇將祥麟毆傷應於吏卒毆非木管九品以上官加凡關二等杖六十罪上酌加枷號一個月

此案已革筆帖式祥麟前在庫倫當差輒赴街市遊蕩

郭子香劾詞上
控於總督行香
同署擲與自裁
比照在刑部前
故自傷殘例杖
九十徒二年半
道光十一年安
司素

被誣不甘塗寫
監照快制官吏

已屬有玷官箴復因被傾催諾敏毆打疑係員外郎海
清阿陵使赴署要鬧並踢倒門窗將堂上官物撞落任
性妄為情殊可惡刑部按律擬以滿流照例折枷尚覺
輕縱祥麟著卽具發該部查明應配地方照例辦理餘
依議欽此查旗人問擬軍流情節較重不准折枷者俱
酌發駐防當差應將祥麟交兵部定地轉發

道光五年貴州司素

安撫 咨穆喇琳塗寫監照控告一案前據該撫將
穆喇琳照才徒挾制官吏例擬軍經本部以穆喇琳

為越赴京上請
開採鉛砂

續增刑案匯覽

卷十二

刑律訴訟

五

越訴

因被張瑞混供糾毆致被詳軍醫坐追繳執照違心
懷不甘塗寫照背希圖抵制並非挾制官吏且到案
認誣並不狡執更與逞刁之徒不同駁令另行妥擬
去後茲據荷蘭明確穆桐琳之捏寫監照雖由於張
瑞妄扳而所寫浮收勒折鎖押嚇詐並該縣違例嫁
娶鼓吹各情其非抵制張瑞實屬挾制官吏惟該犯
並不始終狡執應將穆桐琳於刁徒挾制官吏擬軍
例量減一等杖一百徒三年

道光八年案初駁說帖
咸卷四十六

南撫 咨李陞階於現有田園廬基之龍旺山等處

徒犯在配脫逃
妄行控訴

違例呈請給示開採鉛砂因本省未經批准輒捏砌
何李唐盛四姓詭名並假造山主保隣甘結赴京朦
混具呈並於詞內叙有卽請轉奏臆諭試採字樣實
屬藐法應比照越赴京告重事不實擬軍例量減
一等杖一百徒三年

道光七年案

安徽司 浴魏林先因誣告伊甥孔本推跌伊妻馬
氏身死問擬總徒四年復在配脫逃挾嫌捏控伊甥
孔春將伊毆逐如果得實孔春應依毆小功尊屬律
杖七十徒一年半審係全虛應照誣告卑幼律於杖

七十徒一年半上減一等杖六十徒一年惟該犯原擬總徒四年脫逃在

誣告悔過減等擬杖復行京控

恩旨以後係應遞減一年仍徒三年之犯逃後既經妄捏自應按例加等將魏林依徒罪未滿年限人犯私自逃回妄行控訴視其應得誣告各本律例與脫逃之罪相比從其重者論仍各照原例再加一等例於從新拘役滿徒上加一等杖一百流二千里

道光十三年案

江西撫咨劉夢梅前因誣告劉華國詐軍作民依誣告人杖八十罪上加三等應杖六十徒一年未審

之前遞具悔結照聞拿投首減一等擬杖一百咨結
茲該犯復以前情並添砌委員刑逼具結赴京翻控
復審並無屈抑該撫照赴京翻控後犯輕於原犯之
罪於原犯加一等例於徒一年上加一等擬杖七十
徒一年半經本部將該犯改依原犯杖一百罪上加
一等擬杖六十徒一年

道光九年案

投匿名文書告人罪

匿名編造歌謠
肆行詆毀

道光十六年八月二十二日奉

上諭向來投遞匿名文書告人罪拾獲者照例銷燬原
所以戢奸宄而防傾陷近來各省士民習染漸深往往
編造歌謠妄將該管官肆行詆毀輿圖洩忿追經簡放
大臣前往或交督撫大吏秉公查訪所指各款多屬子
虛而爲所指斥者不但聲名頓減且牽涉多人紛紛提
訊受累已不待言揆厥由來大率懷挾私讐臣妄希掩息
又慮出名控告一經審虛卽照誣捏治罪是以情變百

出作爲歌詞隱匿姓名巧相誣衊卽審明實無其事全
係誣風捉影之談亦得置身局外無從究治其罪是此
等鬼蜮伎倆實與匿名揭帖無異於風俗人心大有關
繫不可不嚴行查禁嗣後各直省大吏遇有傳播歌謠
指斥公事者惟當虛衷體訪嚴密根究並查明編自何
人一經得有捏寫之人卽行密拿到案訊明平日有何
讐怨照例嚴行懲治毋稍寬縱以省拖累而挽頹風將
此通諭知之欽此

通行

列入已名復提
他人處遞呈詞

嘆撫 題荷荷章因與王朱氏涉訟該犯挾該縣兩

次北書之嫌捏造該縣家人李昇之名羅列該縣浮收錢糧等款偽造假印將呈詞封送總督衙門投遞前據該撫以該犯所控狀內列有王朱氏控案即有苟萬章之名與隱匿口已姓名告言人罪者有間其捏寫李昇名字實無其人亦與律註詭寫他人姓名訐人陰私者不同將苟萬章詭捏該縣家人李昇名字軍咨部經本部查苟萬章詭捏該縣家人李昇名字訐告該縣浮收錢糧等款已屬陰險且詞內捏寫並無其人之姓名又自將已名叙入控案狀內較之捏

寫他人姓名者尤爲狡猾未便轉以此竟該犯綴首之罪且查該犯所供王觀海教令寫就呈詞用封套投遞等語如果屬實何以該撫仍坐該犯爲首之罪誠恐該犯因王觀海病故起詞推卸等因咨駁去後茲據該撫究出苟萬章實係自行起意投遞呈詞因王觀海物故希圖諉卸並將苟萬章罪名違駁更正改依投隱贓姓名文書告言人罪律擬絞監候

道光六年案原駁說詳載卷四十六

匪名揭帖尚未
收明悔懼中止

浙撫題王亞三因與總麻服叔王名義等挾有嫌

戶書匿名証告
本官聞拿投首

隙輒捏造王名義等弟兄六人在家聚集拳棒等情
况素好之廬雲高代寫匿名揭帖進城張貼希圖掩
累洩忿惟該犯尚未張貼旋即悔懼中止與已貼者
有聞將王亞三照隱匿姓名告言人罪擬絞律量減
一等杖一百流三千里

道光十年案

貴撫 咨戶書張錫齡因挾本管官責革之嫌匿名
証告本官得受賂銀應照隱匿姓名告言人罪律擬
絞係聞拿投首照例減一等滿流情節較重酌加一
等發附近充軍親老不准留養段士民聽從謄寫匿

匿名揭帖照例
銷毀嚴密訪拿

名呈詞依爲從擬流聞拿投首再減一等杖一百徒

三年親老准其留養

道光八年未

道光十八年八月二十日奉

上諭陶澍等奏揭獲匿名詞帖先將被揭知縣撤任確查
等語匿名文書告言人罪最爲風俗人心之害前經降
旨嚴行查禁拾獲者卽爲銷毀密拿編造之人照例治
罪此案昭文縣知縣續掄升被人指稱冒姓捐官等情
該督等查獲匿名文書既知立案不行卽應照例銷毀
一面嚴拿編造之犯按律懲辦乃遽將該知縣撤任查

辦轉使若輩鬼域伎倆得以陰售其奸該督等如以重
作從此匿名揭告之風又熾矣辦理實屬錯謬陶澍陳
鑾俱著傳旨嚴行申飭該督等仍當督飭所屬嚴密根
追務將編造揭帖之犯查拿到案重治其罪以懲刁風
其續掄升有無劣蹟之處並著查明具奏欽此

邸抄

誣告

控案實究虛坐
不得顛預了結

道光十六年四月二十九日奉

上諭御史許球奏請除外省審斷顛預積習一摺國家科
條之設原以鋤弊安良如果聽斷公平訟獄自然止息
若如該御史所奏近年以來外省咨結控案審實及審
虛將原告照誣告辦理者十不得一大半皆係調停了
事一案之中重欵則大率消弭輕欵則畧與更張既不
審實又不辨誣或稱控出有因或謂懷疑誤控至無可
解說則又以判案卽行供明爲詞曲爲原減皆因問官

將實作虛無以服原告之心而杜其口懼其復控故不敢援誣告加等之例以治其罪每遇審虛之案原告祇擬不應重杖罪又不的決所擬僅屬虛名藉以調停完案甚至壓擱控案待其串和然後訊供兩造均不重新含糊了事冤抑者無由昭雪才健者得肆譎張似此顛預積習於吏治大有關係著各直省督撫遇有上控案件審實則屈必爲伸審虛則誣必加等不得概以控出有因懷疑誤控等項俗套顛預了結至近來京控案件往往有原告竊取文書中途逃走或解省後取保旋即

匿不到案此皆刁健之徒希圖拖累不照例銷案又越
訴本有專條近來多不照辦如直隸山東等省有本省
上司並未呈控卽行來京越訴者冒上亡等之風更不
可長嗣後無論奏咨控案定案時由承審官查明如係
越訴者分別所控虛實按律懲治仍隨案聲明毋得遺
漏庶良善屈抑可伸刁健伎倆難逞政平訟理吏治日
有起色經此次飭諭之後仍有以控出有因懷疑誤控
顛預結案者著刑部隨案奏明駁斥將此通諭知之欽
此 通行

職員誣告雖非
無因未便擬杖

欽差尚書朱 奏泃江孝豐縣革員施錦心呈報伊故媳

王氏屍棺被竊一案此案已革捐職州判施錦心指

控周阿五等盜開伊媳屍棺致周阿五施四毛施以

高均在保病故查所控各情如果屬實周阿五等應

照盜未埋屍柩例擬軍今審係虛誣自應將該革員

抵充軍役卽謂其誤報事非無因與平空誣陷者微

有不同亦只可於軍罪上量減擬徒該尚書將施錦

心問擬杖八十開復州判准其納贖殊未允協應卽

更正施錦心應改於誣告充軍抵充軍役罪上減一

族人將早經出
戶家奴混告

等杖一百徒三年

道光十七年七月邸抄

山西司 查馬甲德海呈控劉百路等家奴一節訊
係誤聽所致且劉百路之祖究係該犯族中家奴所
告不為無因與冒認良人為奴婢者不同惟以挾嫌
屢控實屬有意拖累查劉百路等早經出戶即與分
戶年久者無異將德海應革去馬甲比照八旗有將
伊祖父時分戶年久之人子孫復行混告者係平人
枷責例枷號兩個月鞭一百

道光十四年案

貢生不干已事
告訐立案不行

貴撫 咨典史梁崎年擅受民詞例應降調業已斥

革應毋庸議貢生曾世耀因充當高王宮首事見梁
嶠年在內作寓於香爐上聯有女鞋藝演神明主令
各首事聯名赴州呈請示禁似與事不干已者有聞
惟檢拾梁嶠年擅受卷宗係不干已之事又不當時
交還輒敢赴州呈繳雖非挾制卽屬呈訴應照民人
告訴之案其不干係已事亦俱立案不行仍將原告
照遲

制律杖一百加枷號一個月

道光十四年案

安徽司

咨劉嗣平因瘋赴京以王選等習教謀逆

瘋迷無知誣告
叛逆

等情欲行叩

聞一案查劉惲平安供王選等冒教謀逆等情業經查訊
明確委因瘋迷無知所致且據地隣犯親人等眾供
僉同取有切結並無裝瘋捏飾情弊與挾讐有心誣
告希圖陷害者情節迥殊未便竟照平人誣告叛逆
一律科斷將劉惲平比照瘋病殺人該犯始終瘋迷
語無倫次例永遠鎖領雖或痊愈不准釋放
安徽司查毆傷身死之案既有有限內限外之分正
餘限外身死者例得止科傷罪則誣告人毆傷正餘

誣告毆人限外
身死作作匪傷

限外身死者亦止應於傷罪上加等反坐似未便一律擬流加徒此案革監杜遠饒因藉伊堂弟杜昆玉因病身死平空圖詐方二等錢文不遂並將伴作聞先捏情誣控查所控方二於十二月十六日喝令將杜昆玉摘毆重傷至正月十七日傷發斃命詞內並未指係何物所毆核其摘毆二字目係手足毆傷計越三十一日已在手足傷正餘限外按手足毆人成傷止應答三十反坐加等罪止答五十應以捏控伴作受誣毆傷爲重如果得實並未指出贖數若照故

証輕爲重杖責
收贖

出入各罪以全罪論非止管五十自應從重照檢驗
不實律杖八十反坐加等擬以杖六十徒一年

道光十三年咨案

浙撫 咨葉敬松被邱則超用刀背毆傷左腿等處
並未成廢乃葉敬松先因被毆傷筋行走不便疑已
成廢并以鬭禁勒贖等情赴京混控按律反坐罪應
擬軍第控出懷疑且被毆一節尙屬得實係屬誣輕
爲重但律例並無誣杖爲軍明文將葉敬松比照誣
輕爲重未論決徒流止杖一百餘罪取贖

道光十三
年案

河撫 咨王現彩原控回民馬生太等結夥三人以
上持械搶奪如果屬實馬生太等罪應擬軍今訊明
實止結夥三人以上徒手尋毆非止滿徒係屬誣輕
爲重律無告人軍罪徒罪得實作何折贖明文自應
比照流罪利斷將王現彩依誣輕爲重皆反坐以所
剩不實之罪律三流並折二百四十除得實杖一百
徒三年折杖二百應反坐剩杖四十尙未論決依律
收贖

道光九年案

兵丁誣告本官
並未明列已名

川督 咨鹽廠營兵徐玉書等因換外委各延松等

棍資降糧之嫌輒聽從張復全捏情稟告竊印文封
呈控查所稟鑰營署缺捐受民詞并役用修理營房
領項均未指實亦無確數難定誣告之罪其所控曾
廷松匿喪不報並得受賄錢三十餘千按律反坐亦
罪止流徒惟該犯等係鹽廠管兵曾廷松等係該營
外委把總卽屬本管官乃該犯等膽敢捏砌重情竊
印文封呈控較之尋常誣告尤重其所遞稟詞雖未
書寫姓名第註有鹽廠營馬步兵丁等字樣該兵丁
等名字已在其內卽係出名誣告與隱匿自己姓名

告言人罪者不同將涂玉書等除聽從盜用印信輕
罪不議外依揭越告重事不實擬軍例該犯等均係
爲從應減一等杖一百徒三年係兵丁誣告本管官
仍照舊役控告本管官於常人誣告罪上加一等各
杖一百流三千里

道光十二年案

按案列入作證
致人畏累自盡

河撫 題黃會川欲買同院居住之胞姪黃卜吉住
房未成經黃卜吉賣與黃雙林爲業黃雙林並無妻
小常有親朋往來黃會川以伊家婦女諸多不便屢
向阻止不理嗣李勉等至黃雙林家賭博而散黃會

川卽欲首賭往囑黃尙登作證以尙登以無憑據不
允黃曾川卽私列黃尙登作證赴縣控准傳訊黃尙
登畏累投緹殞命查黃曾川與黃雙林同院居住常
有親友往來復與李勉賭博私列黃尙登爲証致黃
尙登畏累自盡如黃曾川所控皆屬子虛欲使黃尙
登誣証其事則黃尙登卽爲被誣之人應將黃曾川
擬以絞抵今黃曾川所控並非全誣而黃雙林實係
賭博有罪之人被誣者既非平人則所列干證不待
到官證實遽自輕生未便卽科該犯以誣告致死之

罪等官川應於誣告人致死被誣之人委係平人擬

絞例量減一等杖一百流三千里

道光十三年案交
館核過

刑殺獲非本案
正賊致誠賊案

川督 咨譚貴龍係均充石柱廳差役奉票承緝叶
廣學家被竊賊賊譚貴因見曾經行竊楊在榮家夾
被犯案之向幘闊行走慌張並憶及冉廣學字繳賊
遺麻布口袋上寫向記二字與向幘闊姓氏相同不
敢縱放欲帶應訊究將其拴鎖交龍係帶同行走因
天雨路滑向幘闊踉蹌河邊沙土失足落河淹斃惟
同幘闊係曾經犯竊有案之人該犯等帶其赴廳查
訊究無誣良詐逼情事死由失跌亦與自盡不同前
將譚貴照誣良為竊嚇詐逼認致令自盡絞候例上

量賊擬流似與例義不相符合第向懶潤有無行竊
冉廣學家衣物並無贓據雖有布袋給屍親認明係
伊家之物但遺落在冉廣學屋後菜園非在家內盜
所是否爲行竊之具抑係路過或因他故失落均未
可知現在向懶潤已死無可根訊白難指向懶潤爲
此案正賊而向懶潤之失跌掩斃實由該犯等鎖拿
帶走所致若僅依捕役奉差緝賊緝非本案正賊例
擬徒則又置人命於不問應將該員并照捕役奉差
緝賊緝非本案正賊若其人曾經犯竊有案者將捕

聽從訪賊獲非
本案正賊既獲

役照誣良為盜減一等擬徒例酌加一等擬杖一百

流二千里

道光十二年案原駁說帖載卷四十八○此案應查有原駁並與次件賀洪案比核

川督 咨賀洪因差役羅倭託訪鄭堅萬家竊案見

許在有行走慌張即回查問竊情因許在有不服將

其兩手捆縛復向許在有詢出糾夥樊姪行竊李洪

發贖物當交羅倭押赴嚴洞起獲原贖經羅倭邀伊

幫同押送赴縣致許在有失跌斃命查許在有先會

行竊李洪發贖物並非良民而其失足跌嚴斃命究

由賀洪妄拿所致例無專條將賀洪比照誣良為竊

捆縛嚇詐逼認致令自盡擬絞例量減一等擬以滿
流該犯業已監斃應毋庸議羅倖奉差緝賊因賀洪
盤獲許在有自認夥同樊姓行竊李洪發家鐵鍋食
物起出原贓邀同賀洪押送赴縣以致行至中途不
期許在有失跌身死雖訊無誣良嚇詐情事惟許在
有非本案正賊羅倖應比照捕役奉差緝賊罪非本
案正賊若其人曾經犯竊有案者將捕役照誣良爲
盜減一等擬徒例杖一百徒三年

道光十四年案

誣竊掛險被誣
之人帶跌淹斃

四川司 查例載誣良爲竊拷打致死首擬斬監候
捆縛嚇禁逼認致令自盡者擬絞監候等語此案羅
老九藉被失瓊帽裙被爲名起意誣竊訛詐糾允唐
滿兒等我見張麻子李娃兒攏向盤問張麻子等斥
罵不應誣竊被羅老九等毆多傷李娃兒等承認
結竊實與田澤藩得錢分用羅老九當用繩將張麻
子李娃兒項頸拴繫押往田澤藩家起賊行至河邊
張麻子被誣不甘跳入河內李娃兒亦被帶跌落河
同時淹斃前據該督將羅老九依誣竊細縛嚇詐逼

認致令自盡例擬以絞候經臣部以張麻子死由自

盡尙可照誣竊致令自盡之例定斷李娃兒並無自

盡之心其帶跌落河係由項頸被拴所致若在凡關

應按威力制縛人因而致死例問擬絞候則似起誣

竊自應卽依誣竊拷打致死之例問擬斬候駁令另

行妥擬去後茲據該督疏稱李娃兒雖無自盡之心

究非因傷致斃雖帶跌由於項頸被拴亦不死於羅

老九拴項之繩如使李娃兒由羅老九拉跌致溺或

於張麻子投河帶跌之時被項繩扣勒殞命則罪坐

所因自不能不照拷打致死例擬以斬抵若帶跌出自旁人致死係由被溺原情論罪自難概予併誅並聲明張麻子投河斃命李娃兒死於帶溺其事同其擬罪不便獨爲加重援引嘉慶二十二年貴州省劉華山成案將羅老九仍照原擬從一科斷擬絞監候具題_臣等查誣良爲竊致斃人命之案較之尋常鬪殺斃命之案情節迥殊故擬罪亦較凡鬪爲重如毆傷致死照圖殺律止擬絞候而誣竊之案則應科以斬候嚇逼自盡照威逼例止擬滿杖而誣竊之案則

應科以絞候讞獄者於此等案件自當究其致死之
由擬以應得之罪豈得舍本例於不問而曲從寬典
致失情法之平此案羅老九誣竊訛詐先將李娃兒
張麻子毆傷一同拴項拉走張麻子被誣不甘跳入
河內致將李娃兒帶跌落河同時淹斃查張麻子死
由自盡羅老九固應照誣竊逼認例擬以絞候至李
娃兒之溺斃由於帶跌落河而其所以帶跌之故由
於項頸被拴罪坐所由李娃兒既無自盡之心未便
僅科羅老九以緩首之罪若謂帶跌出自旁人並非

羅老九拉跌致斃不知帶跌與拉跌雖殊而拉走後失跌致斃與拴繫後帶跌致斃則初無二致不得謂帶跌出自房人遂可輕減其斃命之罪也若謂致死係由被溺並非死於拴頸之繩不知李娃兒若非頸頸被拴則張麻子投河之時何至被其帶跌雖不死於繩拴之傷未始不由繩拴而死不得謂死由被溺遂不與因傷致斃者同科也總之制縛之律以因而致死爲斷但使因此戕生卽無論死於傷死於溺在凡關俱應門擬絞抵則繫起誣竊死由被拴自應卽

照拷打致死例問擬斬候方與情罪相符該督以張
麻子李姓見之死由於溺情事相同將羅老九從一
科斷照誣竊通認致令自盡例擬絞查名例所稱從
一科斷係指所犯兩罪輕重相等者而言今羅老九
誣竊致斃二命一係被逼自盡一係被搶跌溺二罪
本不相等原題內將羅老九從一科斷不惟與律意
不符且使例應擬斬之犯得免斷首殊不足以昭平
允而肅刑章至所引貴州省劉華山之案既與此案
情節不同且係未經通行成案例內已有嚴禁率引

誣竊網縛致令
自盡死係舊匪

明文更不得援以爲據應令該督仍遵照部例咨

另行按例妥擬具題到日再議
道光十五年說帖

浙江司 查例載誣良爲竊之案如網縛嚇詐逼認

致令自盡者擬絞監候至疑賊網縛拷打致令自盡

者杖一百流三千里等語此案孫俊因陳小貨行走

慌張知其曾經私竊雇主張榮剛家食米等物卽行

拉住搜有當票疑係竊賊希圖破獲送官邀功復卯

用麻繩縛住兩手向其盤問因未承認將陳小貨縛

繩解放關在竈房陳小貨被誣不甘用厨刀自刎咽

喉斃命該撫以該犯孫俊雖屬革捕邀功究無嚇詐情事况陳小貨先曾犯竊本與良民不同若將孫俊照誣良爲竊緇縛嚇詐致令自盡例擬絞似覺情輕法重律例又無將舊匪僅止緇縛盤問致令自盡作何治罪明文可否卽於誣良爲竊緇縛嚇詐通認致令自盡擬絞例上量減擬流抑或仍應擬絞俟秋審時再行衡情辦理之處容請部示本部查誣竊致斃人命之案從前舊例內原有死係良民或死係舊匪之分迨道光六年本部奏請酌改誣竊疑竊罪名一

招內稱所誣之人果係良民自較誣指舊匪爲重此等情節秋審案內皆可臨時酌擬分別辦理定案時毋庸預分等差等因嗣後遇有誣竊細縛致令自盡之案無論死者是否良民均按照現行定例問擬絞候卽謂其情節實有可原亦祇可俟秋審時分別覈辦豈容遽議減等致與定例不符今孫俊係屬革捕希圖邀功復卹將曾經犯竊之陳小貨細縛盤問致令陳小貨被誣不甘身死如果陳小貨形跡實有可疑該犯並未有心誣陷尙可照疑賊細縛拷打致令

捕役誣竊賊爲
正兇致令監斃

自盡之例擬以滿流若誣竊屬實則死者雖係舊匪
亦應將該犯照例問擬絞候應令該撫研訊明確按
例妥擬報部到日再議

道光十六年說帖

湖廣司 查例載捕役誣竊爲盜有別故例應收禁
因而監斃者杖一百流三千里等語此案縣役鄭恩
全因承緝熊岱被殺案內兇賊無獲屢受比責鄭恩
全探聞烟燉巖洞有匪人藏匿前往查拿將住歇洞
內與楊大書通姦之萬氏帶至家內盤問起意殺令
萬氏將會經犯竊之楊大書及陳七等供係殺死熊

借兇賊可以搪塞萬氏不允鄭恩全遂拾竹條嚇辱並用言嚇逼萬氏畏懼允從帶縣訊問遂卽照供將楊大書等挈獲並起出尖刀三把楊大書旋卽在監病故該撫以鄭恩全教令妄供楊大書等爲殺死熊岱兇賊與誣指爲強盜者無異惟楊大書等俱係竊匪究與良民有間將鄭恩全照誣指良民爲強盜者發邊遠充軍例上減等擬徒咨部查鄭恩全因承緝受比教令與楊大書通姦之萬氏誣指楊大書爲殺死熊岱之兇賊楊大書本屬行竊罪人例應收禁鄭

恩全教令蔺氏誣供爲殺人正兇卽與誣竊爲盜無
異楊大書既經在監病故自應將鄭恩全照誣竊爲
盜有別故例應收禁因而監難例擬流該撫將該犯
比照誣指良民爲強盜例量減擬徒殊未允協案關
罪名出入應令該撫另行接例妥擬咨部到日再議

道光十六年說帖

捕役金發將匪
妄認爲盜監斃

捕役圖賞誘令
竊賊誣認正兇

河撫 咨捕役陳德因姓同太等家被盜奉票緝犯

因劉太左小川等係在逃賭匪前往查拿又因搜獲

劉愷孝衣一件與事主失贖相似稟縣究問劉太等

畏刑誣服左小川在監病故詆非扶嫌妄拿亦無致

供嚇詐情事左小川本係賭犯例應收禁核與誣竊

爲盜相類將陳德比照捕役誣竊爲盜驗無拷逼情

事或該犯自行誣服并有別故例應收禁因而監斃

將誣拿之捕役擬流例杖一百流三千里

道光十二年案

浙撫 咨捕役黃高圖領賞銀騙令行竊罪應擬徒

之賊犯嚴阿五誣認爲殺死事主嚴承暇案內正兇
惟嚴阿五係被騙誣認並非過勒所致將黃高照捕
役將犯竊之輕罪人犯過認爲謀殺故殺強盜將捕
役充軍例量減一等擬杖一百徒三年 道光九年案

事主誣竊捕役
妄拿過斃人命

此條例文載在常赦所不原條係專指過赦而言
並非斷罪正例惟將捕役擬徒似尙平允故錄存
蘇撫 咨革生王五被竊雞隻報縣稟差捕役將文
承緝王五風聞張文德台被人供指夥竊因張文德
與親戚喬坦時相往來疑係喬坦等所竊向蔣文所
開飯店鋪夥張三告知令蔣文捉拿送究蔣文因喬

坦素未爲匪復令張三轉向王五查問王五以儘可
往拿之言向獲蔣文將喬坦挾拿至店盤問喬坦不
認蔣文將其鎖押在店不放回歸喬坦被逼情急用
刀自戕身死查蔣文承緝賊賊無獲因王五指係喬
坦等所竊令其捉拿該犯輒不察虛實將喬坦妄拿
私押致喬坦被逼自盡惟喬坦係屬良民將蔣文依
誣良爲竊相嚇逼認致令自盡例擬絞監候王五雖
訊無串押逼認情事應照誣良爲竊若止空言捏指
並未誣告到官死由自盡例杖一百流三千里蔣良

誣竊逼斃人命
犯父知情故縱

誣竊欲令賠贖
致人犯水溺斃

目賭伊子蔣文將喬坦誣竊妄拿私押逼認並不斥
阻實屬知情故縱應比照竊盜同居父兄知情分贓
減本犯罪二等之例而蔣景完未得贓再減一等於
蔣文較罪上流減三等擬杖九十徒二年半蔣文蔣
景先後病故均毋庸議張三照不應重杖

道光十三年案交館核過

廣東撫 題王有梅因被賊竊去衣服查訪無獲憶
及無服族姪王誠相曾經犯竊起意誣指勒令賠贖
令堂弟王有洪將王誠相押解赴縣王誠相恐到官

誣良捆縛逼賠
被誣之妻自盡

究出前竊行至河邊乘間見水逃走誤入深處被淹
身死雖尚未到官亦無捆縛嚇詐逼認情事惟王誠
相斃命究由王有梅誣竊所致即與致令自盡無異
將王有梅依誣良爲竊之案若止空言捏指並未誣
告到官亦無捆縛嚇詐逼認情事死由自盡例杖一
百流三千里

道光七年案

川督題冉正萬誣賴王冉氏之夫王舊品行竊菜
子該犯同王舊斃將王舊品捆縛嚇逼賠贖王冉氏
央求不允情急投河身死查王冉氏係王舊品之妻

目擊伊夫被縛誣詐嚇逼以致情急自盡卽與已身
被誣無異將與正萬依誣良爲竊捆縛嚇詐逼認致
令自盡例擬絞監候 道光十四年案

誣良爲竊致被
誣之母自盡

南撫 題彭惠邦被竊食物疑係向文有偷竊前往
搜賊未獲輒將劉洸加指爲夥賊捆毆送官致劉洸
如之母向氏因子被誣投環殞命將彭惠邦比照誣
告人因而致死隨行有服親屬一人律擬絞監候

道光四年案

賊犯誣扳婦女
奔逃畏罪自盡

南撫 題張道銀犯竊到官誣扳何喇成之妻李氏

誣良嚇逼致令
猝病身死

寄賊致李氏因夫被拿畏累自盡自應罪坐所由惟
係畏刑混扳且李氏亦未被拿到官與有心誣詐施
戮者尙屬有間應此照誣良爲竊若止空言捏指並
未誣告到官亦無捆縛嚇詐情事死由自盡例杖一
百流三千里 道光十年案

直督 題楊二因向宋山究竊不認拴鎖嚇逼宋山
猝病身死一案查宋山有無捆摸情事既無確據不
得謂非良民該犯將宋山拴鎖嚇逼卽與捆縛逼認
無異惟宋山之死究由於病並非逼令情急自盡未

便遠擬縲首將楊二照誣良爲竊之案捆縛嚇詐逼認致令自盡擬絞例量減一等杖一百流三千里

道光十二年案

誣良拴縛受凍
烤火潰爛身死

直督 題劉瑞和誣指崔皂爲竊將其拴縛由雪地行走致崔皂兩足受凍自行烤火腳趾潰爛身死一案查崔皂兩腳受凍潰爛之由究係自行烤火寒濕火毒凝結所致與嚇逼自盡者有間將劉瑞和照誣良爲竊之案捆縛嚇詐逼認致令自盡擬絞例量減一等杖一百流三千里

道光十二年案

更夫獲賊嚇詐
拷打致令自盡

被逼長板總厚
同竊致令自盡

蘇撫一題王添成受雇之更因唐有成行竊趙金貴
木植經王添成找獲原贖將唐有成拿獲輒起意嚇
詐錢文拴住拷打致唐有成投水身死與誣良逼斃
者有間將王添成照誣良為竊嚇詐逼認致令自盡
擬絞例量減一等杖一百流三千里 道光十年案

江西撫 咨張細培因聽從無服族人張毛生圖謝
代為張序庭查訪竊賊將賊犯張霸生拿獲因盤問
不認向其嚇毆逼問張霸生因與總麻服兄張輝生
有嫌誣扳同竊張毛生即同張細培將張輝生扭赴

贊對不認張霸生仍前執定張毛生等即將張輝生
剝衣縛手各用竹梢打傷其胳膊等處並向張霸生
詢出寄贓情由告知事主報縣張輝生因被誣不甘
用刀自戕身死查張細培聽從張毛生訪賊圖謝將
曾經犯竊之張霸生細縛逼問致張霸生誣指張輝
生同竊致張輝生被誣自戕事雖因於張霸生誣指
而誣扳實由於張毛生嚇逼所致罪坐所出將來拿
獲張毛生應照誣良爲竊致令自盡例擬絞監候張
細培隨同附和嚇逼應照爲從減等擬流張霸生本

疑賊有因細縛
拷打致令自盡

係行竊之人被張毛生等細縛勒迫因而誣扳張輝
生夥竊致令自盡亦應照爲從擬流惟張輝生係張
霸生總麻服兄若僅擬滿流與凡人無所區別應於
誣竊致令自盡爲從流罪上加一等發附近充軍
道光十三年案交館核過

南撫 咨文良玉因蕭盛富先於黑夜無故走進該
犯屋內經該犯喝令走出卽於是夜該犯被竊衣服
該犯卽邀江士元將蔣盛富尋獲詢問贖物不認疑
係狡賴將其細縛拷打經勸而止該犯聲言告官究

疑竊具控領令
其母賠贖自盡

追致蔣盛富氣忿投水溺斃查蔣盛富先經無故進
該犯屋內卽於是夜被竊情節本有可疑實屬疑賊
威逼將文良王依用強毆打威逼人致死果有致命
重傷例發近邊充軍仍追埋葬銀兩江士元照爲從
減一等杖一百徂三年

道光十三年案交節核過

安撫 峇革監丁冠羣因疑王鎮孜竊馬具控復遣
子丁學連逼令賠贖致王鎮孜之母王鄭氏自盡將
丁冠羣依誣告人因而致死有服親屬一人律擬絞
丁學連減等擬流一案本部查有心指竊謂之誣無

心指竊謂之疑如果丁冠羣並非聽信人言係獨自
起意將王鎖孜控告復遣子往尋賄賂致王鎖孜之
母憂忿自盡自應將該犯按誣告致死律擬絞如果
丁學述明知伊父誣竊聽從前往索賄賂物係父子
侵損於人亦應按爲從律減等擬流前據該撫咨叙
丁冠羣生供有疑似王鎖孜偷竊之語現據該撫咨
叙犯呈有不識姓名人向其告知看見王鎖孜將馬
牽走是該犯因人告知後始行指名具控與平空誣
讞者迥不相同卽其令子往尋賄賂亦屬誣信人言

所致並非主使誣陷丁學連既未商同伊父誣竊其
迫於父命往尋賠贖祇向王鄭氏勒令還馬並無登
門逼索情事亦與侵損於人者迥殊惟丁冠羣一聞
人言係王鎮教將馬牽走並不查訊明確輒行具控
後復遣伊子往尋賠贖以致王鄭氏憂忿自縊雖事
出懷疑而情同逼迫丁冠羣應改照竊威逼人致
死例擬杖一百丁學連應改擬不應市律杖八十
道光六年案初駁說帖載卷四十七

疑竊嚇人轉詢
以致父女自縊

安徽司 咨劉繼緒因見樂允幅之女生如從伊家

誤信賊犯妄扳
同夥毆打細送

走出適伊家被失錢文奴係生如所竊囑與允幅轉
向查問以致生姐氣忿自盡疑允幅亦因痛女情切
自盡查劉繼緒僅止疑竊查問而非誣飾捏指又無
嚇詐逼認情事未便遽照威逼一家二命科斷應比
照威逼人致死一家二命擬軍例量減一等杖一百
徒三年
道光八年案

江西司 冷蔡世環被失耕牛誤信賊犯妄扳何堯
芳同夥聊將何堯芳毆打細送並將房屋拆毀以致
毀損器物殊屬強橫第事出有因並非平空誣陷照

誣良爲竊捉拿拷打擬軍例量減一等杖一百徒三年
道光十年案

疑竊私拷送官
後在押病故

浙撫 奏羅峻山因被賊竊去衣物於次早拾獲賊
遺銀衣查一子阿七鄉親老李所穿疑其夥竊帶家
盤問不認用竹條責打送官後在押病故例無疑竊
私拷送官後在押病故治罪明文將羅峻山照誣告
人因而致死擬絞例量減一等杖一百流三千里
道光十四年案

匪賊偷竊已物
被父毆死

川督 咨吳禿姓因闖梁玉修行竊梁盛幅木植心

疑伊家從前失去木櫃等物亦係梁玉修所竊往向
梁玉修之父梁興索賠錢文因梁玉修不認卽聲言
如不賠贖定將伊父子控告致梁興氣忿將梁玉修
毆死實屬誣竊讎命第梁玉修究屬犯竊有據並非
清白良民且被伊父砍斃亦與被誣自盡者不同若
照誣良爲竊死由自盡例擬流未免漫無區別將吳
禿娃比照誣良爲竊若止空言捏指並未誣告到官
死由自盡擬流例量減一等杖一百徒三年

道光十
四年案

誣告屍遭蒸檢
駁取切實供詞

直隸司 查例載親屬律有應抵之條如挾嫌誣告
人謀死人命卑幼誣告致蒸檢尊長之屍擬絞監候
若並非挾嫌止以誤執傷痕告官蒸檢者照誣告人
死罪未決律定擬又審辦案件犯未逃走鞠獄官詳
別訊問務得輸服供詞毋得節引眾證明白卽回獄
成之律違請定案其右實在刁健堅不承招者如犯
該徒罪以上仍具眾證情狀奏請

定奪各等語今何文元京控劉士幅霸產斃命等情一案
據該都統奏稱何文元因劉士幅與伊出嫁胞姊隋

何氏之夫隋剛夥租蒙古三保元地畝並山場一塊立有契據由劉士幅分給糧石後隋剛物故劉士幅起意占據將契銷毀何文元亦租得三保元山地與劉士幅山場異連劉士幅屢將何文元山場樹株砍伐爭毆疊控經該州斷明將山場退還三保元管業並將劉士幅何文元均擬杖責完結隋何氏憶及何夫故後未見劉士幅分給糧石至劉士幅家索討原契劉士幅支吾不給隋何氏向其爭鬧經素識之張維路過解勸送其回歸隋何氏氣忿卽拾土塊自行

打傷額顱聲言要與劉士幅拚命張維勸止隋何氏
行不數武跌地口流涎沫不能言語扶至劉士幅胞
姪劉恭家痰壅氣閉殞命報驗委係帶自戕傷因病
身死何文元等當場攔驗下身具給領埋逾月何文
元以隋何氏係被劉士幅毆斃等詞翻控批府提訊
何文元復赴京呈控並請開檢當卽派員檢明河氏
屍傷左額角有自戕傷一處淡紅色係原驗所無又
左頰車骨心坎骨左手大指二指二節各有綠色據
仵作稱係帶有銅器入棺浸染右琵琶骨等處藍色

據件作稱青藍衣褲薰染並非因傷因毒委係因病
身死何文元堅不承招指頰車骨等處綠色爲傷痕
琵琶骨等處藍色爲受毒左額角漏填傷痕爲件作
賄賂等情堅不輸服將何文元依卑幼挾讐誣告蒸
檢尊長之屍例擬以絞監候並援堅不承招之例奏
請

定奪等因臣等查堅不承招奏請

定奪之例係指衆證實在確鑿者而言若案情稍有可疑
卽應研究明確以成信讞不得輕援奏請之例至誣

告致屍遭焚檢之案是名換總以原告自認口供
爲斷豈容置原告於不問僅以懸揣之詞周內定案
致滋冤抑此案隋何氏向劉士幅索討地契本係理
直之事既已自行傷殘自必撒潑拚命何以一經張
維勸止卽肯回歸且自殘傷痕並不甚重如果從容
行走又何至跌地痰壅焉知非隋何氏我向劉士幅
爭鬧或被劉士幅揪扭推搡或被張維恃強拉走以
致用力掙脫失跌痰壅身死是劉士幅張維所供並
未爭毆之處已難保無狡卸情事况原驗之時頭面

有漏報傷痕覆檢之時骨殖又有藍綠顏色檢查洗
冤錄並無銅器及青藍衣褲可以浸染骨殖致成藍
綠顏色明文可見兩次相驗均難憑信案犯既無確
供屍傷復多疑竇似不得遽援堅不輸服之條徑坐
原告以挾脅誣告之罪若因何文元於未經開檢之
先曾託孟連山輾轉信知劉隋氏等商量攔驗以爲
何文元明知伊姊隋何氏死由於病不知劉隋氏等
均係隋何氏親女欲開檢其母屍棺不得不商及其
女亦係人情之恒且檢閱供招何文元囑令孟連山

轉同劉隋氏等告訴原有情願歸嫁就不必前來之
語是何文元並非必欲劉隋氏等擄驗何得遽執爲
明知無傷挾帶誣告之據總之被告之劉士幅登次
招供何文元樹株復將何文元之姊隋何氏婦產設
計圖占致釀人命其強橫已可概見該犯何文元身
受其害因而情急上控與挾帶率空誣陷者迥不相
同乃劉士幅僅據城且而轉將控出有因之何文元
擬以緣首殊不足以昭情法之平案關罪名出入應
令該都統督飭提齊人證另究確情取具輸服供詞

按例文擬具奏到日再議

道光十七年說帖

証告屍遺相驗
與遭蒸檢有聞

呈請檢驗屍屍
懷類尚屬有因

安徽司案審擬傳瑞因長幅容病身死誤信伊妻李
氏疑係服毒身死之言轉向有街兵談及被拿送部
復堅執如前出具切結致屍遺相驗即與誤執傷痕
証告者無異惟屍身未遭蒸檢未便與已遭蒸檢者
一例擬軍應比照審無誤讞止以誤執傷痕証告蒸
檢為首擬軍例量減一等杖一百徒三年道光十一年案
江西撫 咨睢世能因兄睢世益由山挑笋身死路
旁屍身均有紅斑該犯因伊兄曾與曹文祥有口角
之事恐係被毆身死具控請檢本屬有因後因傷痕

挾嫌殘屍咬令
誣告屍遭蒸檢

未經檢出骨殖又有損失懷疑復控與誣執傷痕告
官熬檢者有問該撫將睚世能依誣告人死罪未決
律擬流加徒殊未平允經本部駁令改擬量減一等
杖一百總徒四年 道光五年案

江西司 咨張斯美因族兄張細發被繆斯明銃傷
右膝煎服醫傷草藥誤中草毒身死該犯輒挾繆滿
星與伊口角之嫌起意藉屍圖害私將張細發脛骨
連帶骨打碎復用煤渣草灰掩蓋屍身冀令發變無
從辨認屍傷裝作銃傷斃命卽寄信屍姪張茂興回

誣輕爲重尚未
詳檢據實供明

歸該犯捏稱張細發係被繆滿星銃斃囑令呈報以
致屍遭蒸檢例無殘毀死屍誰令他人控告致屍遭
蒸檢治罪明文將張斯美比照挾脅誣告人命致屍
遭蒸檢爲首例擬絞監候病故勿議

道光十三年案
交館核過

福撫 咨王治治毆傷王淙密致令自盡疑兄王淙

定先則受賄私和繼因訪聞差拿遂將私和情節該
於身有廢疾之王謹詳呈首復又隱匿受傷後服毒
真情輒捏告王淙密被王治治毆斃係屬誣輕爲重
惟於未經詳檢之先據實供明將王淙定照誣輕爲

重至死罪未決擬流律上量減一等杖一百徒三年
道光四年案

誣告人杖罪致
女屍遭蒸檢

陝督咨張連彪誣告魏榮淑等毆斃女命假裝自
縊致屍遭蒸檢一案查例載期親以上尊長按律不
應抵命者誣告人謀死人命致蒸檢卑幼身屍仍照
誣告人死罪未決律治罪又律載誣告人死罪未決
杖一百流二千里加徒役三年又妻毆夫之父母者
斬又罪人本犯應死而擅殺者杖一百又誣告杖罪
加所誣罪三等各等語詳於誣告謀殺命例內仍字之

義係誣告爲重蒸檢爲輕蓋專指尊長誣告人謀死卑幼罪應擬抵者而言若死者罪犯應死卽被人毆斃亦屬擅殺罪人固不應將捏檢者坐誣告死罪之條若被人毆有多傷後自縊殞命屍親懷疑誣捏只應於誣告擅殺應死罪人律上加等問擬亦不應於誣告死罪未決律上減擬總徒詳核案情張氏死由自縊似非魏榮淑等擅殺則張連應固屬誣告惟所誣罪名應擬滿杖祇應按誣告本律坐該犯加等之罪並不應於誣告死罪律上減等定擬且例內蒸檢

卑幼身死一語原統於誣告謀命句內誣告謀命致屍蒸檢者既不能於誣告死罪外加重則誣告杖罪致屍蒸檢者卽難於律外重科查張氏罪犯應死如張連彪所告得實魏榮淑等罪應滿杖既據該衙將魏榮淑等照律勿論是張連彪所控全虛卽應仍照誣告律全科該衙將該犯於誣告死罪未決律上減等擬以總徒情罪尙未允協張連彪應改依誣告擅殺應死罪人本律於滿杖上加三等杖八十徒二年道光七年案

初議談論致被夫斥罵自害

被夫詆毀致被夫詆毀致被夫詆毀

陝督 題徐楊氏因與趙楊氏赴山拾柴遙見趙楊氏與呂梨娃授受布疋該氏不知係呂梨娃與趙楊氏帶交姻親趙楊之物心疑趙楊氏與呂梨娃有姦向人談論以致趙楊氏被夫斥罵氣忿投崖殞命訊非獲實汚讎將徐楊氏比照捏造姦賊獲贓汚讎致被誣之人自盡擬絞例量減一等杖一百流三千里道光五年案

陝督 題賈廷杰因酗酒被劉棟陽禁即獲嫌捏造其媳張氏與張九如姦私編造歌謠當眾歌唱汚讎

妻非逃走誣告
被姦夫拐逃

以致張氏被夫管教毆傷殞命在張氏當時並無忿
激之情被毆之由係因不服其夫管教所致死由於
毆與實在被誣之人忿激自盡者究屬有間自未便
遽予實抵惟該犯捏造一言致人夫婦一死一抵官
屬可惡將賈廷杰照棍徒無故擄害良人例發極邊
足四千里安置
道光十年案

提督 咨送程得因妻辛氏將被擄當錢欲行賣打
辛氏畏懼潛往伊表姊家躲避該犯回家不見辛氏
憶及終四曾在伊妻房內談笑起意控告終四拐逃

如果得實終四罪應擬軍今審明終四僅止與三
通姦係屬誣輕爲重應比照誣輕爲重流罪折杖三
百四十准告實杖一百外反坐原告人杖一百餘剩
杖四十收贖

道光十一年貴州司案

干名犯義

滿州陪嫁家奴
誣告蒙古王

熱河都統 咨哈豐阿呈控翁牛特旗王搶伊姪女
爲妾等情一案查哈豐阿之父陪嫁格格出口實有
蒙古官職究與該王本旗節下奴婢有聞茲哈豐阿
列款呈控該王未盡得實自應酌減間擬將哈豐阿
比照奴婢告家長與子孫罪同告父母但誣告者絞
律量減一等滿流係滿洲家奴酌發駐防爲奴
道光七年直隸司案

夫聽人誣事
犯姦妻自盡

河撫 題彭大杰聽從彭甸卿誣指伊妻彭王氏與

彭君通姦致彭王氏羞忿自盡登夫誣告妻律得減
所誣罪三等誣指與誣告相同將彭大杰於彭甸卿
應得絞罪上減三等係爲從再減一等擬杖八十徒
二年

道光十一年案

母主令伊子誣
告夫弟

川督 奏任黃氏將伊夫任建和身死已結之案捏
爲夫弟任建恭喝令將伊夫毆斃等情主使伊子任
添林赴京控告既據該督審係虛誣律應反坐自應
坐主使伊子京控之任黃氏以誣告之罪查被控之
任建恭係該氏夫弟律內僅稱誣告卑幼減等並無

誣告小功兄霸
占地畝

誣告夫弟減等明文第關毆律內妻毆夫之弟妹各
減凡人一等其誣告夫弟亦自應減等問擬將任黃
氏依誣告人死罪未決擬流加徒律減一等杖一百
總徒四年係婦人照律收贖

道光六年案

四川司 查律載侵占他人田者一畝以下笞五十
每五畝加一等罪止徒二年官者加二等各等語律
內僅載侵占之罪其不言強占者誠以強與侵情同
稍異而占據則同律例內雖無作何治罪明文惟強
占屯田不及五十畝定例尙照侵占官田律治罪則

強占他人田畝應依侵占問擬可以類推親屬有犯亦應照侵占他人田畝律按服制遞減科斷更可隅反此案曹文榜因佃小功堂兄曹文清等地畝往耕欠租無給曹文清等欲將田畝取回另佃該犯即捏稱曹文清等霸吞產業控經斷令曹文清等將田取回該犯嗣見曹行宗至伊佃耕田內抄犁與伊弟曹文若攔阻曹文若用刀將曹行宗砍傷報經獲案將該犯分別杖責該犯起意翻控洩忿捏稱伊祖分有田一百三十畝交曹文清等之祖代管夥種餘資添

買田五百畝曹文清等霸占不分並稱曹文清等結
交匪類被獲花用公共餘銀一千數百餘兩賄賂書
差等蔽朦將伊杖枷勒緝及率匪多人至伊家估搜
分關犁毀田畝等情呈控批飭審屬虛誣經該督聲
明該犯所控曹文清等結交匪類事出有因書差等
蔽朦勒勒係屬空言無從反坐卽所稱曹文清等費
用公共銀兩亦與証告小功親屬費用受寄財物不
同惟指控曹文清等霸占夥買田畝未分並伊祖交
付代管田畝計贖業已逾貫霸占與搶奪無異親屬

無搶奪之文有犯依恐嚇取財科斷將該犯照誣告
恐嚇取財計贓准竊盜加一等罪止杖一百流三千
里小功減三等律杖八十徒二年罪上加所誣罪三
等擬杖一百流二千里等因本部詳覈案情該犯曹
文榜控告伊小功堂兄曹文清霸占田六百餘畝未
分並未控告曹文清搶奪霸占與搶奪情事不同加
所控得實曹文清等止應依侵占他人田畝罪止徒
二年律係小功親屬比照親屬相盜遞減三等擬以
滿杖今審屬子虛自應照誣告小功尊長加所誣罪

家奴聽從外人
誣告家長

三等律於杖一百罪上加三等擬以杖八十徒二年
該督聲稱霸占與搶奪無異將該犯於誣告恐嚇取
財杖八十徒二年罪上加等擬流殊未允協應卽更
正曹文榜應改依誣告小功尊長加所誣罪三等於
侵占他人田畝罪止徒二年係小功親屬應遞減備
杖罪上加三等擬杖八十徒二年

道光十七年說帖

山西司 查劉安明等案內之喇嘛金兒卽那木濟
爾係蒙古索台家奴索台派其經理旗地租粟該犯
查知各地戶劉安明等侵種餘地乃受劉安明錢文

代爲欺隱經伊主查知將該犯攬送嗣劉安明向該
犯詢及伊主旗地來歷該犯以本是早厥石民開成
地畝係無憑據之言向告劉安明稱欲京控屬該犯
作證誣賴並許給地畝分種該犯挾被逐之嫌復貪
分地畝當卽允從覈其情節喇嘛金兒之允爲作證
究屬口許空言到案後並未隨同誣執固未便科以
誣告爲從之律於奴婢誣告家長絞罪上減等擬流
發駐防爲奴致與實在聽從誣告到官者漫無區別
惟該犯於劉安明向詢時輒以地無憑據允爲作證

致劉安明有所恃而控爭是此案釀成訟端未嘗非
由該犯而起亦未便僅照不應重律加枷激滋輕縱
自應衡情酌量問擬喇嘛金兒卽亦木濟爾應於奴
婢誣告家長爲從減等擬流罪上酌減一等杖一百
徒三年仍照旗下家奴告主例將該犯於附近地方
充配到配折賣安置俟徒限滿日官賣將身價給索
台具領

道光十四年說帖

補增刑案匯覽卷十二終